

寶坻縣志

寶坻縣志不脩者七十
餘年矣吾鄉洪君以
名進士宰斯邑咨詢
掌故惟閼軼是電蒐
討綜覈因前志而筆

尚之律以已素正其
謾課補其疎漏義例
詳整釐然有條書成
使來徵序予惟郡國
有志乘上之朝則以供

作史之採擇藏之官
則以備從政之師資周
官小史掌邦國之志外
史掌四方之志鄭司
農謂邦國之志春秋

傳所謂鄒志國語所
謂南齊鄭康成謂四
方之志若魯之春秋晉
之乘是也蓋先王經
理天下物土之宜而布

其利達其志而通至
行其事至纖至悉土
均掌地政土訓掌地
圖誦訓掌道才志保
章氏以至土辨九物

之地風俗之美惡則大
師大行人志之臣口之
些耗則閭師閭胥志
之民之有德行道藝
者族師黨正之屬志之

計其時蓋各為一書月
要歲會以統於小史外
史其時之權下則謂之
寶書王代之盛道德一
而風教齊其是蓋由於

此後世幅員遼闊風氣
異宜激於書者尤亟西
漢計書先上太史令
其副白丞上東漢郡
國志上於蘭臺五學

士大夫所纂輯若閩
中之記華陽之志襄
陽之傳之輔九域十道
之圖以及一才一邑之事
列於經籍藝文之目

者前沒相因體或殊
別要非姑曼衍而為此
也畫封圻審訟革條
物產察民風表賢良
撫故實可以語可以道

古可以酌今昔之宜可
以籌教養之實守土
之良將以資主臬焉
夫昏夜有求於閤室之
中非燭則何見即座於

山楸作虞則何以從禽
若盡百三十三城而
司牧之焉唯此吏為師
則所管不過刀筆筮
筮之末而已矣洪君之

汲於此豈惟以著述
為能事求以度越於
人其勤於官守而有
見於三代盛時化民成
俗之由也蓋良吏之所

規畫遠矣。君為政敏
而達。制府褒其治行。
為擢磁州牧。瀕行。
造後乃去。其用心
如此。故不辭而為。

序

乾隆十年歲在乙丑

秋九月既望

賜進士出身光祿大夫

內廷供奉

經筵講官刑部尚書教習庶吉士新安汪由敦撰

